


Universitätsbibliothek Paderborn


Armando Borbonio Serenissimo Principi De Conty Campaniae & Briae Gubernatori, &c. Gratiarvm Actio Pro Scholis Claromontanis Collegii Parisiensis Societ. Iesv decenni commoratione ornatis


Cossart, Gabriel Parisiis, 1647


urn:nbn:de:hbz:466:1-12247

















SERENISSIMO PRINCIPI DE CONTY

Campaniæ & Briæ Gubernatori, &c.

GRATIARVM ACTIO

PRO SCHOLIS CLAROMONTANIS
COLLEGII PARISIENSIS SOCIET.IESV
decenni commoratione ornatis,

HABITA

AD EARVMDEM SCHOLARVM
INSTAVRATIONEM
III. KAL. OCTOB. AN. CID. 19C. XLVII.

A GABRIELE COSSARTIO, eiusdem Societatis Sacerdote.



PARISIIS,


Apud SEBASTIANVM CRAMOISY, Regis & Reginz Regentis Architypographum:

GABRIELEM CRAMOISY.

via Iacobza, fub Ciconiis.

M. DC. X L V I I.

CVM PRIVILEGIO REGIS.





GRATIARVM ACTIO

PRO SCHOLIS CLAROMONTANIS

DECENNI COMMORATIONE ORNATIS.

RIMVS hic agitur solennis Academiæ nostræ dies (PRINCEPS SERENISSIME) ex quo fuit cosspetu conuictúque tuo, post annos decem perpetuæ consuetudinis,

mœrore suo summo tandem orbata. Nihil interim est abea prætermissum officij, quo prosequi abeuntem posset: est usa est in sensus omnes
gratissimæ voluntatis, pro tanto tamque diuturno benesicio: dederunt amoris perinde dolorísque significationes, exedræ atque scenæ:
neque dies nobis locúsve vslus à laudibus vacauit, desiderio luctuque temperatis. Sed pri-

uata hæc erant, & domesticis inclusa parietibus: publico beneficio publica gratia debebatur. Designauerant hunc diem expectabantque iamdudum Claromontanæ Scholæ, quo partem hanc implerent officiorum; atque in celebritate sua maxima, tanti debiti non solutione quidem, quod nullius opis est; sed quod possunt vnum, professione fungerentur. Quod dum à me huius Collegij nomine præstabitur; eritid orationi meæ percommodum, quòd neque apud te, PRINCEPS SERENISSIME, neque apud eos qui adsunt, notam assentationis vlla verebitur. Nam & corum video neminem, qui laudes omnestuas, quæcum que informari oratione possunt, suis de teiudiciis non vincat; & tibi, Princeps, notiores nos esse consido, quam vt vani adulatores possimus videri. Nosti amorem nostrum : satis hoc vnum esse ad tollendam fuci suspicionem potest. Quidquid à me dicatur, peruidebis plura & ampliora multo in animis omnium nostrûm, quorum tibi semper sinus intimi patuerunt. Prodire toti non possunt nostrorum pectorum sensus; sed nimirum cos à te videri malumus, quam audiri: cotineri non possunt iidem à nobis omnes; sed neque sinceritati nostræiniuria, neque modestiæ tuæ vis vlla fiet, si quibus referendis gra-H A

GRATIAR VM ACTIO

tiis impar esset æternitas ipsa, iisdem agendis horavix vna destinatur.

Exigua hæc est mora temporis, Auditores, cuius à vobis vsuram postulo, vt Armando consecrem: non quò delibare de omni genere laudum, & infinita illius decora persequi operosiùs cogitem; aut quò perpetua decem annorum beneficia moliar in horæ vnius angustias includere; quorum alterum ambitiosi, alterum ingrati consilij foret, plenissimum verumque temeritatis: sed, quod erit huius loci, & institutæ à me gratiarum actionis maxime proprium, huic vt insistam vni : quid ab Armandi Borbonij dignitate summa, deinde quidab excellenti eiusdem ingenio Academia nostra splendoris acceperit. Quod si res tantas neque ample & iliceat iniquioribus spatiis, quæ sunt huic orationi descripta; neque assequi facultate dicendi tenuissimâ, quâ me instructum intelligo; ita ferme de infinitis in nos Armandi promeritis statuendum à vobis in præsenti puto, ve sacris diuinisque de rebus, quæ cum nullà possint vel ingenij, vel temporis amplitudine comprehendi; nullum est tam breue tempus, quo eas colere quiuis, gratóque animo salutare non possit. Non negabitis, opinor, huic argumento gratiam, cui reueren-

tiam quoque impertimini: captare hac in oratione studia voluntatésque sine auditorum iniuria non possum, eorumque offensionem incurrerem, quorum gratiam aucuparer.

Hoc primum Scholæ nostræ contendunt: nunquam munus vllum, aut collatum esse in quemquam, aut potuisse conferri nobilius, quam quo ab Armando Borbonio donatæ sunt. Patrocinium iis suum non negare, singularis gratiæ fuisset: beneuolentiam præstare, summi beneficij: amorem totum impendere, incredibilis cuiusdam, & mirificæ largitatis. Nunc verò non tegere vmbra quadam præsidij, sed toto splendore Regij nominis illustrare; non mulcere beneuolentiæsignificationibus, sed fouere complexu perpetuo; non amoris sui modò copiam facere, sed totum semet, quantus quantus erat, tradere, donare, in sinum infundere, quæ demum isthæc fuit, & quam infinita profusio!

Quanti enim faciendum munus illud sit, neque ij opinor estis, apud quos demonstrari oporteat; & id ego si susciperem apud alios, solo prolato nomine perorassem. Quidquid est infra Armandum Borbonium, illius munere minus est. Cedo quidquam hoc nomine præstantius; huic accepti amplitudinem muneris

GRATIARYM ACTIOA

Academia nostra summittet. Cedo rem vllam in Gallia nobiliorem Borbonio sanguine: cedo vllam in Orbe terrarum Regiæ Galliarum stirpis Principe clariorem. Hæc nimirum illa stirps est, quæ in omnes terrarum disfusa partes, effloruit in coronas, pullulauit in sceptra, surrexit in solia: cuius propagines sunt, omnes Principum Regumque familiæ, & veluti surculi quidam huius exuberantia prognati. Fons est Regum hie sanguis; redundauit in Principum omnium venas, manauit in Regna, transit in imperia: dissicile dictu est, an pluribus seculis fluxerit, an regnis pluribus imperârit. Hispania, vnde tibi Reges tui? Italia, Britannia, Cypre, Hierosolyma, vnde prodierunt ve-. stri? ab hoc sanguine, tanquam ab Oceano riuuli exierunt. Lusitania, Hungaria, Bohemia, hanc stirpem nostis? certè: si nostis Reges vestros, quos tanquam enatos ex caramos accepistis. Polonia, sceptrum tuum respice; solium tuum intuere, Sicilia: liliorum in iis impressa vestigia etiamnum agnoscetis. Enumera Imperatores tuos Græcia: tuos Germania Cæfares percense. Principes appellabitis ex illo genere oriundos, qui Orientis & Occidentis Imperia Gallico sanguini subiunxerunt : quasiaut dilutior esset omnis purpura, cuius fulgorem

non exaggeraret hic sanguis; aut infirmiora so-

lia, nisi hac stirpe niterentur.

Quid igitur fecisti, Armande, cum Te his scholis tradidisti? Inclusisti vnum in locum, quod regendis fortunandisque plurimis gentibus satis esset. Dedisti vni Academiæ, quod si Provinciis aliquibus dedisses, repetiissent regna; si regnis concessisses, inuidissent imperia; si imperiis omnibus partitus esses, orbis terrarum gaudio & gratulatione triumphâsset. O te, in liberales doctrinas sanè liberalem! Prodigum propè dixi: & hanc certè notam videtur à te res vna defendere, quòd sacrarum diuinarumque rerum nulla sit prodiga largitio. Nihil amittit Princeps, qui se prodigit : non effluit cum iactura, sed incrementis quibusdam profluit : neque amplitudinem suam imminuit, sed auget alienam. Non est fons vllus aquarum egentior, cum eas iugi quodam lapsu, & prodigâ perennitate profundit; sed nomine illustrior, cum vberius eædem, latiusque permanant. Non est Sol diminutus vllå parte luminis, ex quo totus explicari mortalibus coepit: perpetuis emissionibus non exhauriuntur radij, sed propagantur: neque fit ex eo sidus illud obscurius, sed omnes cœli, terrarumque plagæ clariores. Nihil decessit Principi nostro de

GRATIARVM ACTIO.

de sua claritate, cum eam Scholis nostris impertiit: non demisit sese, sed litteras extulit; effecitque suo splendore illustres, affinitate nobiles, coniunctione regias; vsu, amore, necescontampra (ciliect puell

situdine gloriosas.

Vbi nunc illi scurrarum Palatinorum greges, qui Musas omnes veluti sordidulas quasdam, & rusticanas virgines cauillabantur?vbi illæ rudioris seculi reliquiæ, illi homines inuito genio nati, qui eas à conspectu regum, ab aditu principum, à nobilium consuetudine arcebant? vbi illa tépora, quibus doctrinæ omnes probro nobilitati vertebantur; quasi essent illæ vulgi propriæ, & degenerasset à patria virtute, qui plus aliquid maternis litteris didicisset? Vindicasti, PRINCEPS, eruditionem ab hac calumnia; eam tibi deuinxisti nexu amoris, atque societatis arctissimo: simulque dignitatem, si câ carebat omnino, tribuisti; si quam habebat, auxisti: neque potuit deinde nobilitati non placere, quæ coli à Principe potuisset.

Athenaidem intueri mihi videor, eruditam illam virginem, quæ à iuniore Theodosio coniux adscita, ab humili & iacente fortuna, ad summum imperij culmen euecta est. Latebat illa sub obscuriore tecto nulla renisi virtute felix, vno ingenio clara, solis doctrinis locuples;

paternarum opum, quamuis illæ modicæ forent, testamento exheres; spreta à suis, negle-Cta à ciuibus, alienis ignota. Venit in Palatium deprecatura paterni testamenti iniuriam. Hîc contempta scilicet puella tenuis, & durius habita in limine, vix vt admittatur exorat; sed admissa tandem, sequestrâ pulchritudine; tum conciliatricibus gratiis, aduocato pudore, patrona eloquentia perorauit. Placuit Imperatori, quæ lictores atque satellites flectere vix potuerat; & dimissa cum gratia, breuî summa cum gloria reuocata est. Coniux eligitur, defignatur Augusta. Redit in aulam apparaturegio, solennique pompà: ingreditur maximis ordinum omnium gratulationibus: Imperatricem venerantur, qui modò sordidatam & squallentem contempserant: communicatur cum Athenaide, Theodosij maiestas: tantumquesplendoris in obscuram puellam ab augusto matrimonio refusum est, ve deposito Athenaïdis nomine, gloriæ nomen ipsum ferre tum cœperit, & Eudoxia nuncupari.

Quod Theodosio quondam Athenais, hoc tibi deinceps doctrina debebit, ARMANDE. Extulisti eam in amplissima huius regni lucem, cum tenebris damnata crederetur. Deduxisti in Palatium, vt ibi eo cultu exciperetur ab om-

GRATIARYM ACTIO.

nibus, quo quidquid tuum est prosequun tur. Triumphat in purpura, quæ in puluere iacuerat: Reginam omnes satentur, quæ suerit Magistra Principis; neque iam yllus est ex ista gente trossulorum, qui litteras ausit vel calumniari impudentiùs, vel licentiùs ludisicari, quas tuis coniunctas laudibus intelligat.

Est enim hic honos earum summus, quod laudes auxerint tuas, & aliquam tibi nouæ claritatis accessionem adiecerint. Traxisti à maioribus tuis nobilitatem generis, à litteris ingenij nobilitatem accepisti. Nam cum ea sit communis omnium & contestata notio, vt nobilitas splendor quidam dicatur esse, quo præditæ res eximiè fulgeant; eritne qui nobile illud ingenium putet, quod non sit insigni aliquâ luce cognitionis ornatum, nunquam erigatur ad summa, sed quibusdam inscitiæ tenebris pressum sepultumque iaceat? Vna est, quâ depelli hæ tenebræ possint, vera & certa lux, scientia: quæ tantum in animis lumen accendit, quanta in iis ipsa fuerit. Hæc mentium vna claritas est; hac nobilitate ingenia glorientur. Quam decoris laudisque partem cum ad cæteros Armandi Borbonij titulos adiunxerint litteræ, non tam arbitrantur datum a se beneficium, quòd opes omnes suas eius in

sinum congesserint; quàm acceptum prositentur, quò dipse ingenium illud commodârit, in quo exornando, tanta sua gloria versarentur. Fuit iis ad commendationem atque gloriam maius, illustrasse huius Principis ingenium, quàm cæterorum huius & superioris ætatis Principum beneficiis, & honoribus inclaruisse; yt cum maiorem nemini lucem tribuerint, tum à nemine acceperint am-

pliorem.

Quem enim mihi dabitis qui meliùs sit de iis meritus omni munerum largitione, quam Armandus hoc facto vno meritus est? Adducantur Augusti; existant Antonini; Constantini, Theodosij, Iustiniani proferantur. Illi donis ingentibus litteratos homines prosecuti, quid amplius dederunt quam sua? quanquam, quid dixi sua? quid aliud eorum plerique, quam ciuium & prouinciarum bona largiti sunt; publicorumque furtorum liberales, integros, & innocentes viros suis criminibus locupletarunt? Princeps noster munificus erga easdem fuit, non alienorum, quæ non tractat; non suorum tantum, quæ parua duceret: sed, quo nihil hic donare pretiofius, nihil optare maius illæ poterant, fui ipfius. o and sommo sigo bono, mujoliums d 51

GRATIARVM ACTIO.

Adeste Caroli Magni, reuiuiscite Francisci, existite gloriosi manes, quorum præconiis tam sunt plenæ litteræ, quam refertæ beneficiis; triumphate cum sanguinem vestrum nulla ex parte degenerem intuemini; sed ita triumphate, vt concedatis adolescenti Principi lauream illius erga litteras beneficentiæ, quam tato studio, tam præclaris, támque regiis operibus affectâstis. Patroni fautorésq; litteris præfuistis: iis se alumnum Armandus submisit. Protexistis eas auctoritate & potestate vestra: hic suam iis subiecit. Clientes habuistis, quas moderatrices coluit : dignatæ sunt aditu nonnunquam & congressione vestrà, quarum in sinu domesticus habitauit. Patuerunt iis vestra Palatia, in eorum penetralia euocatæ Musæ omnes vobis assederunt. Sed quis vestrûm, quis Regiorum Principum ante hanc ætatem alius in earum sedes se contulit, ipsarum assiduus conuictor, & contubernalis futurus? Reservabatur in nostra tempora decus hoc litterarum, vt Borbonio nomini deberetur.

Plenum Musis, & persectum honorem Armandus habuit; non excepit domi suz, vt hospites; non inuisit identidem, vt amicas: sed perpetuum sese domesticum que comitem iis, vt Principibus quibusdam suis tradidit. Iisdem

cas officiis coluit, quibus Martem Serenissimus
Frater Princeps Condæus prosecutus est. Ille,
vtad militiæ disciplinam erudiretur, non secit
quod plerique assolent, qui bellum ediscunt in
otio, & castrenses labores in aulicis deliciis,
instituta durissima in ipso voluptatis sinu meditantur. Assueuit in castris, pernoctauit sub
pellibus, vbi erat facies belli sæuior, eò penetrauit: vtarmorum rudimenta inter arma ipsa
poneret; neque dubitaret quisquam, quin Marti se consecrasset & addixisset totum, apud

quem alumnus habitaret.

O Martem Ludouici contubernio nobilem! ô Musas Armandi conuictu gloriosas! ô diem illum iucundum nobis, memorandum posteris, omnibus prædicandum, quo primum die has in ædes Armandus Borbonius pedem posuit! felicissimum diem, quo regium munus hæscholæ acceperunt! Clarissimum, quo refulserunt eius purpura! Serenissimum, quo refulserunt eius purpura! Serenissimum, quo tantus Princeps versari in iis cœpit! Attulit dies ille vnus huic Academiæ, quod Academiis omnibus omnia secula non obtulerant: vnus eam lætitiæ segetem profudit, cuius reliquias consequentia deinde apud nos tempora suauissima recordatione colligent. Meministi, PRINCEPS, quanta illius diei fuerit hilaritas, quam

GRATIARYM ACTIO.

fincera omnium miniméque fucata gratulatio: cùm hæc domus núc fileret obstupe facta gaudio, nunc personaret subitis & ingenuis acclamationibus; tectáque ipsa, quasi felicitate persentiscerent suam, exilire lætitià viderentur. Horum meministi: sed quàm benigno vultu simplices & plenas animi gratulationes exciperes; quàm modesto, laudes tuas audires, quæ illis plausibus sine arte miscebantur; quàm graui, & composito, gestientis iuuentutis ardorem etiam um puer temperares, non ita meministi fortasse; quia nullius rei soles, nisi virtutum tuarum obliuisci.

Solent Principes non iidem semper esse, sed gemino plerumque vultu: quorum alterum ad speciem componit industria, alterum ad ingenium suum natura conformat: illum spectaculis atque pompæ, hunc quotidianæ vitæ adhibent: quíque in apparatu solenniore, dij quidam erant visi, iidem modò naturæ suæ redditi, vix homines putantur. Princeps noster, quos animos attulerat ad huius ingressum Academiæ, eosdem in eius sinu seruauit; neque alio vultu coluit Musarum penetralia, quàm quo earumdem limina salutauer at. Nihil de ipsius in eas ardore tempus remisit, nihil de cultu samiliaritas, nihil labor de assiduitate, nihil iudi-

cium in puero maturum, suæque adeo iam conscium dignitatis de officiis omnibus, quæ litteris purpuratus tyro persoluebat. Neque verò sua illa studia dissimulauit vnquam, aut erubuit earum cultor videri, qui patronus esse poterat. Palam, ante oculos omnium, publicas scholas frequentauit quotidianus auditor; neque illarum aut angustias refugit, qui amplitudinem suam vbique circumfert; aut lucem veritus est, qui maiorem in eas esset illaturus. Priuatis alij præceptionibus erudiantur, longéque à conuentu, & frequentia, dictata capessant tenebricosæ disciplinæ: ament recessus atque latebras, qui lucem neque facere, neque pati possunt. Armandus doctrinam hausit publicis è fontibus, quibus salubriores nulli sunt: didicit in communi loco, cuius institutio commune bonum erat; lucem amauit, qui nihil habebat, quod tenebris occultaret.

Quanquam! frustra latebras quæsiisset. Est enim annexum hoc conditioni Principum, vt tegere se non possint, neque publicum sugere: quia quemcumque insederint locum, publicum faciunt. Patent omnium oculis recessus intimi palatiorum; publicique iuris eorum actiones sunt, quorum priuata esse personanon potest. Quam est hoc importunum plurimis,

tam

GRATIARVM ACTIO.

tam gratum idem atque commodum accidit Armando Borbonio, cui gloriofius nihil poteratapud nos esse, quam si qualis erat, talis omnium oculis penitus appareret. Quamobrem adeo non tulit moleste illam famæ licentiam, quæ res Principum omnes, quamuis domesticas, efferre in apertum solet; vt publicum etiam scholarum in conspectum vltro se dederit, certus tot sibilaudum præcones adfuturos, quot rerum suarum testes & arbitros adhiberet. Quæsiuit studiorum socios, vt essent quibus antestaret: magnitudinis suæ putauit esse, vbique videri principem, vbique illustrem; & percurrendis scholis omnibus, Solis curriculum imitari, qui domos suas sic obit & peragrat singulas, vt easdem illustret.

Hîc enimuero, quæ miracula explicuerit cœlestis ingenij; felices, qui quotidiani spectatores suistis, eodem inclusistadio, iisdem vsi legibus! vbi cum prodigia vestros animos infinita percellerent, vnum inter cætera maximum
elucebat; Armandus Borbonius, veluti omnium vnus, & acceptum à natura principatum
quodammodo dissimulans, vtalterum ingenio
quæreret. Videbat fortunata iuuentus, quódque inuidisset alteri, hoc Principisuo gratulabatur, videbat ingeniorum omnium lucem

obscurari ab vno; sed obscurari sic, vt maius tamen ab eo lumen acciperent: quemadmodum minora sidera, quanquam extinguuntur præsenti Sole, sulgorem tamen ab eo totum hauriunt; quóque accedunt ad eum propius, hoc viuidioribus radiis accenduntur.

Hæc quæ præsentes videbamus, ad absentes fama deferebat, quanquam longè minora vero; quæque resomnes solet ampliores narrando facere, harum assequi magnitudinem prædicando non potuit. Neque illisuccensere iure possumus, quòd res tantas verbis, laudibus, præconiis omnibus non adæquauerit, quas cum vsurparemus sensibus, vix præsentes ipsi capiebamus. Narrabat parentibus suis iuuentus nostra, esse in Collegio Claromontano Principem; gratulabantur. non alium hunc esse, quam Armandum Borbonium; obstupescebant. ventitare secum easdem in scholas, eâdémque disciplina, doctore eodem, iisdem temporibus erudiri; vix credebant. at cum audirent iidem, nihil hîc eum retinere principis, nisi necessitatem quandam aliis præcellendi; ingenio superiorem omnibus esse, qui ætate singulis esser inferior; eundémque labore & assiduitate præstare cæteris, qui vincere solo ingenio potuisset; hæc cum à liberis suis paren-

tes acciperent, hærebant gaudio & admiratione attoniti : amplectebantur natos suos nonnulli, & lachrymis suauissimè manantibus, felices, inquiebant, qui difficillimo regni tempore tam beata tempora nacti estis! tum iubebant recitari sibi rursus eadem, & sæpius renarrari. Faciebant ipsi deinde omnibus, eorum quæ didicissent copiam, communicabant cum amicis, inculcabant obuiis, vbique spargebant. Omnium erat vox vna, nunquam fuisse litteras, quam in hoc gymnasio beatiores: regnare demum illas hoc seculo, bellis inuitis: neque floruisse vnquam illustriore otio, quam quo, inter armorum tumultus sæuissimos, fruebantur. Accedebat ad eosdem sensus morosior ipsa ætas, & admirationum parcior: perpetui illi laudatores superiorum temporum, præsentium contemptores agnoscebant tandem fatebanturque oblatum nepotibus suis, quod suæ patrumque memoriæ negatum fuerat, fruíque litteras præsenti bono, quod ne optando quidem fuisset olim à suis æqualibus cogitatum. Vota faciebant iidem, vt per quem fierent immortaliter gloriosæ, huius nomen æternis honoribus consecrarent. Nemo erat litterarum sincerè amans, qui non eadem aut optaret, aut promitteret: nemo posthac eas colet, qui non

eodésitanimo suturus, ARMANDE, & perinde vt studiosus illarum erit, ita decus in eas à te collatum interpretibus iisdem celebraturus. Dum illæ supererunt, vigebit reces slorebit que benesicij tui memoria: prima litterarum laus erit, decoratas à te suisse tantis honoribus; gloriæ tuæ pars non spernenda, litteras tam insi-

gniter honestasse.

Atque hoc tibi præcipuum, & singulare debent : quòd ad ipsas non tam descenderes, ve alij, accepturus beneficium, quam concessurus. Quid enim exspectares præsentis gratiæ, præmiorumque omnium, quibus donariabiis sui clientes solent? quærunt apud eas nonnulli fortunarum accessionem; tu & aliorum fortunam fabricaris, & tuam nasces tecum attulisti. Alij captant illarum otium, vt durius quoddam vitægenus deuitent; tu vt earum labores amplectereris, plena voluptatis & deliciarum otia fugisti. Sunt qui gloriolam per eas aliquam, & corollam affectent; tibi innata corona est, neque incubuisse nostras in disciplinas videris, nisi vt eas tuo diademate coronares. Tulisti quidem ab iis laureas in omni genere longè plurimas; sed quæ plus à te decoris acciperent, quam conferrent: & quamliber dederint multas; debent tamen haud paul d plures, sempérque debebunt. Suas dignitati, suas ingenio, vniuersas Armando Borbonio debent.

Dubitant verò, neque ab re profectò dubitant: plurésne Borbonio debeant, an Armando; id est, an dignitatis splendore, qui tibi est cum Regia tua gente communis, an ingenij luce, quæ propriè tua est, ampliùs illustra-

tæ per te fuerint.

Hoc enim dicam citra periculum assentationis, quæ non potest ad res tam publicas & peruagatas adhærescere; tractatas hic esse à nemine litteras, cui non præstares ingenio tantum, quantum claritate generis anteibas. Atque vt intelligatis, Auditores, quam nihil aut nostris artibus, aut solertiæ Principis, emétitæ laudis aspergam; reuocate in memoriam ea, quorum ipsi testes nobiscum fuistis; conferte omnium ingenia, qui sunt in hoc doctrinarum curriculo versati, cum vno Armandi ingenio; simul quantum vni omnia concesserint, recordamini. Acutos alios ad excogitandum vidimus, sed minus acres ad iudicandum: aliosæstimandi prudentia, non itidem acumine, industriaque præstantes. Ille ad grauiores artes ingenij vim atque robur attulit: hic elegantiam ad amœniores. Ille in disserendo subtilior, sed parum in exornando copiosus; hicin C iii

eloquendo vberior, quam in disputando pressior visus est. Neminem nouimus ita laude vlla præstantem, nihil vt ei de confini vitio, tanquam illitum adhæserit; neminem, nisi Armandum Borbonium, in quem ingenij laudes omnes nouo fœdere, & conspiratione fa-Ctâ, confluxerint; qui tam esset ad iudicandum grauis, quam celer ad intelligendum; tam festiuus inter flosculos elegantiorum artium, quam firmus inter tristiorum salebras; tam velox in comprehendendo, quam in retinendo diuturnus: in quo lepos cum soliditate, maiestas cum facetiis, vbertas cum moderatione, suauitas cum vehementia, perspicuitas cum abstrusiore intelligentia, pugnarent nihil; sed pene conflatæ coalescerent, & summâ consensione iungerentur. Qui huius maturitatem ingenij videbant, tardiorem credidissent hominis adolescentis indolem, nisi continuò motibus celerrimis emicantem aspexissent: vicissimque cum acres illius mentis impetus intuerentur, immoderatiorem essent suspicati, nisi tum quoque statum præsentis animi compositissimum obseruassent, æstus illos ardorésque temperantem. Collustrabat obscura quæque, attollebat tenuia, præteruolabat excelsa: luctabantur alij desudabantque

GRATIARYM ACTIO.

operosiùs in iis artium dissicultatibus superandis, quas ille vno mentis intuitu profligabat: vti nocturnæ tenebræ, quibus discutiendis omnibus, totóque cœlo pellendis par nulla sit facum, tedarúmque copia, vnius exortu sideris repentè vanescunt. Vix aperta difficilium perplexarumque rerum facies, & oblata quasi reducto velo fuerat, cum subibat illarum sinus omnes; vix prolata nomina, cum notiones naturarum intimas peruadebat. Quis eum vnquam vidit aut caligantem in obscuris, aut hærentem in ambagibus, aut subterfugientem ardua, aut summa desperantem? Nodum obiiciebas? acuebas solertiam. Opponebas recondita quædam? emicabat perspicacia. Proferebasacuta?triumphabatsubtilitas. Ostendebas sublimia, & immensa? celeritas assequebatur, amplitudo capiebat.

Quòd si detur hic Platonis sententiz locus, qui nobiliores animas aiebat alis quibusdam instructas esse, quibus attollerent se humo, & in sublime ferrentur: quibus tandem alis, & quàm valentibus vegetisque nixam putabimus Principis huius mentem, quam iacentem nemo viderit vnquam, aut humilia consectantem; sed illo tempore ztatis, quo vix obuia quzque ac quotidiana czeteri norunt, percur-

rentem resaltissimas, longéque supra communes virorum nisus euolantem? His sublatus alis, siue per suauiorum Musarum spatia, quasi ludendo volitaret; siue naturam obiret omnem, Philosophiamque ipsam in recessus rerum altissimarum subueheret; siue in Dei sinum re-Età ferretur, Theologiamque trans aspectabiles rerum omnium formas elatam inter purifsimos spiritus, & in ipsa diuinitatis adyta inferret: vias inibat vt tritas antè nemini; ita nullius deinde vestigio, ingressúque tentandas. Quid verò, cum resipsas humiles eadem ingenij sublimitate tractaret? vt nihil esset tam depressum abiectúmque, quod non excitaretur veluti ab humo & puluere; nihil tam commune & ante pedes positum, quod in ore Principis inusitatum, & admirabile non appareret: quemadmodum summo monti insidentes arbusculæ, quamuis humiles illæ per sese, eminent tamen, non sua sed montis altitudine sublimes. Quæ cum Armandus faceret, cum itinera sibi noua panderet & priùs inaccessa; fugiebat videlicet aciem ingeniorum omnium, neque vllus erat qui non perinde & illius cursum miraretur, & sequi se posse desperaret. Nauim aliquam intueri te diceres, quæ alto & inuio mari suas sibi semitas aperiens ipsa, procul

GRATIARVM ACTIO.

cul euolat nullâ impressa notă, nullo relicto tramite atque sulco, cui insistentes cæteræ præuiam assequantur. Aquilam ego videre mihi

videbar, quæ cum infert sese in tractus nubium altissimos, cósque volatu arduo superat, vesti-

gium nec inuenit, nec relinquit vllum.

Quæ si omnia tacerem, Auditores, hi pro me parietes, hæc saxa, hæc Athenæi spatia loquerentur. Responsarent scholæ omnes eius plenæ ac refertæ miraculis; emitterent non suas, sed Principis ipsius voces, quas ad æternitatem tuentur; fieret iis ex vocibus concentus laudum admirabilis; resonaret constatum ex omnibus præstantis ingenij præconium; existeret vocalis quædam imago mentis excellentissimæ, eå re minus suspecta fuci, quodartis ingenio perfecta non esset. Præiret autem, & chorum omnem quodammodo duceret hic locus, aut tacerent certè loca cætera, vt hic vnus audiretur: hæc, inquam, aula, in qua solenni ritu, conuentu principum & optimatum maximo, frequentià cæterorum ordinum tantà, quantam capere hi parietes possent, velut indictà sapientiæ panegyri, consedit, responsa cuiuis edens de omni philosophia, illiúsque arcana scrutans & euoluens eâ facilitate, vt intelligerent imperiti; eâ subtilitate, vt peri-

tissimi quique obstupescerent.

Silete tamen, silete hoc loco ædes nostræ; exedræ, theatra, scholæ Claromontanæ silete in Armandi causa: ne cui vestra sit forte suspe-Eta prædicatio, quòd domesticæ sitis. Sorbona! testimonium hîc tuum deposco. Meministi illius diei, quo nullus tibi ex omni memoria clarior illuxerat, cum Armandus Borbonius suggestum tuum conscendit, vt haberet ampliora quam apud nos spatia, quibus conceptam hîc collectamque lucem explicaret. Illic sedebat Princeps adolescens, eorum arbiter mysteriorum, quæ canos Patres in illo Theologie domicilio tot iam annis exercebant. Confluxerat ad hoc spectaculum omnis Lutetia, id est, omnis fermè Gallia, velut Roma quonda seculares ad ludos, quos nemo vidisset antè, nemo postea visurus esset. Aderat comitatus omni slore nobilitatis Serenissimus Armandi Parens Henricus, sidus illudiniquo deinde Gallie fato, nostroque maximo luctu præreptum; aderat autem eo animo, quo triumphantes quondam liberos parentes fortunati spectabant. Coronabat difputantis pulpitum Antistitum cœtus ingens, quos cum vnius ex ore pendentes omnes intueremur; quistum erat nostrûm, cui non iam videretur Princeps Borbonius Pontificiis qui-

GRATIARVM ACTIO.

busdam comitiis præesse; respondere de sacris, pronuntiare de religionibus, & sundendis inter Ecclesiæ Principes oraculis assuescere?

Si cui dubia fuissent, quæ de illius ingenij præstantia in vulgus à nobis emanauerant: is cum explicatas in illius theatri celebritate atque amplitudine tot ingenij doctrinæque opes vidisser, noniam desiderasser nostram in laudando fidem, sed parsimoniam incusasset. Si quis ignorat etiamnum, quam enucleate spissa, quàm subtiliter implicata, quàm planè ardua, elate sublimia, admirabiliter vniuersa disputer; adeat gloriæ fastos, & illius diei memoriam ex iis repetat. Quæris quam acutè reconditiora penetret? ex Academicis percontare: quam eleganter eadem & polite tractet? Nobilitatem interroga: quam accurate, quam eximiè diuinis in rebus, mysterissque altissimis versetur? exquire Antistitum iudicia: quam in omnibus excellat? ex Antistitum, ex Nobilitatis, ex Academicorum non iudiciis, sed admirationibus intellige. Gradiores hi testes sunt, quam vt mendacis cuiuspiam assentatiunculæ suspicionem vereri quoquo modo possim. Qui cum Armandum intuerentur illo die in obscuris emicantem, ludentem in arduis, vbique triumphantem; cum

eum aspicerent modò res abditas euoluentem maiestate quâdam profluentissimæ orationis, more fluminum, quæ aquas suis in fontibus quodammodo arctatas in planitiem effundunt; modò contrahentem verbi compendio disputationes amplissimas, speculorum in modum, quæ Solis radios omnes longè latéque dispersos in orbis sui punctum pertenue, velut in lucis gremium colligunt : cum hærerent attoniti omnes, quòd tam salebroso in cursu nusquam hæreret; sed oppositis difficultatum veluti nubibus densissimis, nunccoruscaret instar fulguris; nune fulminis ritu omnia perrumperet, ibíque luceret purius, vbi maior offusa caligo fuerat; cum illius memoriæ amplas opes, sermonis delicias, sententiarum pondera, resposionum acumina, doctrinæ miracula suspicerent: cum admirarentur pontifices, quantum Ecclesiæ columen surgeret; proceres, quantum aule decus adesset; eruditi, quantum litteris sidus affulgeret; omnes quantum huic imperio subsidium ornamentumque pararetur: quæ tua mens interim erat? Henrice. Continebas tu quidem intus gestientis animi lætitiam; sed ita premere sensus tuos non poteras, quin exundarent identidem, & in vultum erumperet: cumque cæterorum vocibus, etiam inuitus, gestu nutibusque concineres. Erant omnium aures in Armandi voces intentæ; oculi, partim in eiusdem os, cuius contemplanda dignitate expleri non poterant; partim in te coniecti, vt prolixiorem gratulationem quam maturi, tam sinceri gratulatores anteuerterent. Tu neminis in vultum intuebaris, vti ferè mos eorum est, qui vel blanditias aliquas venantur oculis, vel explorant aliorum nutus, è quibus iudicia sua suspensa sunt. Noras vt acerrimus ingenio princeps, ita omni doctrina cultissimus, mométis omnia suis pendere; neque res vllas aliorum sensibus, sed tuis arbitriis æstimabas. Hærebas oculis in Armado tuo defixis; nisi quòd eos deiiciebas nonnunquam, ne maior esset, redundarét que tandem lætitia, quæ oculis simul auribusque caperetur.

Gratulabaris interea tibi, filium incomparabilem; filio, adolescentiam eruditam; eruditioni, patronum regium; Regno, Principem Religiosum; Religioni, regium, eruditum, incomparabilem defensorem. Videbas eum, id ætatis, professum vindicem sincerioris doctrinæ, qua fouebas; efferentem in conspectum orbis terrarum paginam vnam, quæ foret veluti Theologiæ symbolum, monumétum sidei Borboniæ, specimen Romanæ, compendium Catholicæ;

ARMANDO BORBONIO

documentumque consequetibus seculis, quid sanguis Christianissimus de Religione sentiret: herebasque incertus, vtri gratulari deberes magis, tibine qui hunc Religioni propugnatorem dedisses; an Religioni, quæ tantum à te præsi-

dium accepisset.

Gratulabaris etiam. Obstat hie dicenti mihi pudor aliquis noster, Auditores, atque id prohibet in oratione mea ponere, quod nobis si apud maleuolos aliquos inuidiosum, certè apud omnes perhonorificum foret. dicam tamen, quod frequentia maiore cum nobis tum aliis audientibus professus est Henricus, quam vt premi silentio vellet. dicam, quodestad comendandam ipsius bonitatem, quam ad laudem nostram celebrandam illustrius; neque committam, vt magis verecundiæ nostræ videar, quam eius gloriæ seruiisse; & dum modesti volumus esse, ingrati quoque simus. Gratulabatur quoque nobis Princeps Optimus; scholísque nostris fructum aliquem laudis huius impertiebat : tribuebat Claromontanæ institutioni, quod indolis Borboniæ proprium erat: quódque effloruerat ex Armandi solertia & ingenio, nostris eductum curis, & excultum artibus prædicabat. Cui tamillustri de nobis intelligentissimi principis iudicio, neque subscri-

GRATIARVM ACTIO.

bere possumus præ modestia, neque præreue-

rentia omnino repugnare ausimus.

Quamobrem, siue ab huius disciplina gymnasij retulisti aliquid, ARMANDE, quod videri vis; siue attulisti potius ipse hoc quodcumque scholis nostris decus & ornamentum inest, quod vbique profitemur : vtrinque tibi plurimum illæ debent, vel quòd idoneas duxeris, à quibus aliquid acciperes; vel quòd minimè indignas putâris, quibus tantum donares. Superbire possent his honoribus, nisi à te modestiam didicissent. Felices, fortunatæque scholæ, te Patrono, te Hospite, te Alumno! Gloriosas dixissem, nisi nostræ essent. Quanquam ! gloriosissimæ sanè dicantur, quia sunt Borboniæ: neque ita dissimulemus honorem nostrum, vt aliquid etiam de tuo derogemus. Sint humiles, obscuræque persese; erunt tamen Armandi nomine vno amplæ & illustres : neque vlla maleuolentiæ, temporumve iniquitate, aut imminuetur hæcamplitudo, aut hic splendor obsolescet; nisi cum Borbonium nomen vel arrodere malignitas, velliuor obscurare potuerit. Recognoscet hîc posteritas vestigia tua, ex issque non tuam magnitudinem, quæ nullis ignota feculis erit, sed nostram felicitatem metietur. Gratulabitur his angustiis, quæ te capere poARMANDO BORBONIO

tuerint: gratulabitur magnitudini tuæ, quæ cum esset tanta, cum aulam admiratione, spe Galliam, famâ Europam impleret, tam exiguo se spatio collegerit; & Diuino quodam iure, cum vbique tota esset, hic tamen potuerit tota contineri. Visetur hic locus eodem animo, quo solent à nobis admirabilium rerum monumenta lustrari. Affluent homines honestè curiosi; monstrabitur iis, quæ te pars ædium hospitem acceperit: quod tibi ad priuatas commentationes secretius conclaue fuerit : quas scholas publicus auditor adieris. Hîc humanioribus litteris, hîc Diuinis operam dabat: hunc infidebat scholæ locum : hoc hortulo innocentes illius deliciæ continebantur : his recessibus tegebat pietatem suam: hacaulâeruditionem explicabat. Quæ cum inter huius vrbis miracula exteris ostendentur: cum sæpius ciues ipsi visendi causa redibunt : cum eos per loca fingula ducemus, omnium indices atque interpretes: pars erit hæc quoque nostræ felicitatis, quòd iis non poterimus tot beneficiorum immemores videri, quorum memoriam suppeditabimus ipsi, & quotidiana propè narratione renouabimus. Ita, nemo has ædes incolet, qui habitare se inter beneficia tua non intelligat. Succedent, vt speramus, GRATIARVM ACTIO.

mus, aliis alij, in quos propagetur hic sensus, & veluti quædam hereditas ad consequentia secula transmittatur. Antiquus hîc erit honos tuus, neque senescet tamen; sed velimpressis à te laudum vestigiis, vel nostrâ prædicatione, semper recens, integérque seruabitur. Nominis tui memoriam si nullæ apud nos tuerentur litteræ, tecta ipsa tacito præconio celebrarent: si euerterentur tecta, in ruinis posteri vestigiorum tuorum reliquias vererentur. Sed neque ruinam timent gloriæ tuæ monumenta: neque de te conticescent vnquam litteræ nostræ; quæ cùm honores à te immortales acceperint, te benesiciáque tua æternis honoribus prosequentur.



